

不空羅索神
復籍真言經

卷三十

百六十四
渤十

48427



元祿九年丙子二月日重脩

皇圖鞏固 帝階綴昌

佛日增輝 懋合輪常轉

山城州天安寺法金剛院置



不空羅索神變真言經卷第三十

唐南天竺三藏法師菩提流志譯

供養承事品第七十四

今時釋迦牟尼如來謂觀世音菩薩摩訶薩
言汝當重為修真言者說此清淨蓮華明王
央俱捨真言摩尼供養真言於諸明王真言

章句最勝秘密一切真言心清淨蓮華明王

央俱捨真言摩尼供養真言揔持等持成就

法門今時觀世音菩薩摩訶薩又白佛言世

尊是不空廣大明王央俱捨真言三昧耶中

清淨蓮華明王央俱捨真言摩尼供養真言

曼拏羅印三昧耶清閑靜處淨治飾地方圓

潔

五肘瞿摩夷塗黃土泥塗白栴檀香泥塗規
郭界院內院當心置百千葉開敷蓮華其花
葉上置諸色相摩尼寶珠臺上二手合腕相
著開十指頭捧如意寶珠手上珠上蓮華葉
上發火焰光四角如意寶珠次院四面開敷
蓮華於花臺上置諸手印諸器仗印一一印
上繞火光焰其衆華間瞻蔔迦華蘇曼那華
四門四角須彌寶山其山頂上置寶宮殿諸
寶華樹山下海水次院四面開敷蓮華於華
臺上有諸寶冠瓔珞耳璫環釧天諸衣服種
種華果種種光雲種種色摩尼寶珠繞火光
焰諸蓮華間有種種華四門四角蓮華臺上

置七寶瓶口中出諸奇華枝葉蒲桃枝及朶內
外院地遍大海水其院界上種種色蓮華曼
陀羅華阿底木多迦華婆利師迦華瞻蔔迦
華蘇曼那華波吒羅華榆地迦華迦檐姿華
作華鬘界中置觀世音清淨蓮華明王像面
西外置香水壘口插諸枝華葉列種種幡以

五色線圍繫外界種種飲食乳酪酥蜜酥燈
油燈四門香爐燒百和香敷獻供養持真言
者淨浴香塗著淨衣服以牛二淨漚灑身服
西門作法結護啓請一切諸佛菩薩種族天
神結加趺坐每日當誦清淨蓮華明王央俱
捨真言七遍摩尼供養真言一千八十遍加

持法瑜伽觀曼拏羅中一切供物皆出無量
無邊大曼拏羅種種宮殿海雲諸天種種衣
服海雲諸天種種頭冠瓔珞釵璫環釧海雲
諸天種種牛頭栴檀沉水諸香末香塗香燒
香海雲諸天種種甘露飲食海雲諸天種種
甘味寶果海雲諸天種種寶香油燈光明海
雲諸天種種寶幢幡蓋真珠網縵海雲諸天
種種衆寶蓮華海雲諸天種種摩尼寶珠寶
器寶樹海雲諸天種種伎樂歌唄讚歎海雲
溥遍十方一切微塵刹土所有三世一切如
來諸法會中作此大曼拏羅印三昧耶種種
供養海雲供養彼諸一切如來諸法會中一

切諸佛菩薩摩訶薩大衆如是至心法瑜伽
觀誦念真言勿雜漏念如是隨心種種供養
承事之者則得成此廣大供養海雲功德善
根若苾芻苾芻尼族姓男族姓女作此壇者
得大福蘊六波羅蜜善根圓滿則當承事供
養九十九苑伽沙俱胝那庾多百千如來一
切善根一切重罪灾厄病惱悉自消除於諸
有情最尊上故臨命終時得九十二苑伽沙
俱胝那庾多百千諸佛現前安慰語言汝往
西方淨土蓮華受生任不退地以寶瓔珞而
莊嚴之得宿住智得此不空一切真言壇印
三摩地盡皆現前又得一生補處菩薩同會

而住。若有有情見此壇者禮拜讚歎亦得六
波羅蜜善根滿足捨此身後亦得往生十方
刹土住不退地何況持者而不解脫如是無
量供養功德壇法皆是不空羅索心王清淨
蓮華明王央俱捨真言摩左供養真言神通
威德曼拏羅印三昧耶稱歎法品所出生故
明王曼拏羅像品第七十五。

世尊此清淨蓮華明王像成就三昧耶利益
有情除滅一切罪障病惱成滿衆願。巖上絹
上方量四肘於清淨處而圖畫之其彩色中
勿用皮膠彩色。色蓋皆淨好者畫匠畫時出
入淨浴以香塗身著淨衣服每日受持八關

齋戒四面盡山當心寶殿其殿左右七寶樓閣繞殿樓閣遍大海水水中亦有蓮荷華葉鳧鷹鴛鴦白鶴孔雀共命之鳥種種魚獸殿中釋迦牟尼如來作說法相結加趺坐衆寶蓮華師子之座下右難陀龍王左跋難陀龍王各一手掌寶華盤一手散華佛左不空羅索觀世音菩薩身色相好如大梵天面有三目首戴寶冠冠有化佛身有四臂一手執三叉戟一手把繡索一手執蓮華一手揚掌半加趺坐佛右清淨蓮華明王菩薩面色形貌如多羅菩薩首戴寶冠冠有化佛當中正面眉間一目左右面目如不空羅索觀世音菩

薩左右面相身有四臂一手執繖索一手執
劍一手執蓮華一手執寶幢半加趺坐觀世
音後多羅菩薩顏貌熙怡左手執優鉢羅華
右手屈仰揚掌微斜低頭半加趺坐多羅菩
薩後白衣觀世音母菩薩顏貌熙怡左手執
蓮華右手仰伸脰下半加趺坐白衣觀世音

後大可畏明王菩薩半加趺坐清淨蓮華明
王後吉祥觀世音菩薩顏貌熙怡左手執蓮
華右手仰伸脰上半加趺坐瞻仰如來吉祥
觀世音後濕廢多白身菩薩顏貌熙怡左手
執蓮華右手側揚掌半加趺坐濕廢多白身
菩薩後廣大明王菩薩半加趺坐是諸菩薩

寶冠瓔珞耳璫環釧天諸衣服種種莊嚴坐
蓮華座廣大明王菩薩後一髻羅刹女身真
青色面目瞋怒狗牙上出髮髻紫赤瓔珞嚴
頸首戴髑髏身有八臂一手執曲刀一手把
鉞斧一手執劍一手把索一手執三叉戟一
手把金剛杵一手把紅蓮華右手以中指無
名指小指握大拇指作拳頭指直豎作期剋
印衣服莊嚴半加趺坐瞻仰如來大可畏明
王菩薩後度底使者身真青色面目瞋怒狗
牙上出首戴髑髏身有八臂一手持劍一手
把杖一手執青蓮華一手執金剛杵一手把
三叉戟一手期剋印一手持鉞斧一手執鬚

索衣服莊嚴半加趺坐瞻仰如來殿上空中
七佛阿彌陀佛當中各坐寶座乘五色雲七
佛左日天大梵天那羅延天伊首羅天乃至
諸天持華供養七佛右月天帝釋天摩醯首
羅天淨居天乃至諸天執華供養觀世音座
前執金剛秘密主菩薩左手執金剛杵右手
執白拂半加趺坐坐蓮華座清淨蓮華明王
座前大奮怒王面目瞋怒立一手執金剛杵右
手仰伸齋下半加趺坐坐蓮華座大奮怒王
後四天王神各執器仗執金剛秘密主後追
摩王水天王風天王火天神執本器仗佛下
左持真言者長跪而坐一手執香爐一手執

數珠瞻仰如來四面山上種種寶華果樹種
種禽獸山澗河泉山上天宮龍宮一切天神
龍神一切真言明仙圖書飾已置道場中像
面面西以諸華香如法供養持真言者清潔
淨浴著淨衣服食三白食盡斷語論像前如
法趺坐而坐燒諸名香法瑜伽觀觀世音相
誦持不空羅索心王母陀羅尼真言廣大明
王央俱捨真言大可畏明王央俱捨真言清
淨蓮華明王央俱捨真言各一萬遍摩尼供
養真言滿千萬遍像放種種色光明照十方
種種刹土壇地震動令真言者明朗勇悅見
是相時則獲母陀羅尼真言廣大明王央俱

捨眞言大可畏明王央俱捨眞言清淨蓮華
明王央俱捨眞言摩尼供養眞言出世世間
一切悉地皆得成就若沙門婆羅門族姓男
族姓女見像光者亦得除滅十惡五逆四重
等罪獲大福蘊資糧善根此清淨蓮華明王
曼拏羅像三昧耶能成種種希求法願能入
一切種族壇印三昧耶一切如來種種神通
而加被之又是十方一切刹土三世一切如
來金剛道場轉法輪處復是十方一切刹土
三世一切菩薩入不退地處復是十方一切
刹土三世一切如來秘密曼拏羅印三昧耶
甚深之藏能會一切諸佛菩薩金剛壇印三

昧耶能攝一切佛刹所有一切如來一切曼
拏羅印三昧耶作是壇處寺內蘭若山間王
宮林泉海汧蓮荷池邊城邑之地任擇勝地
縱廣五肘淨治嚴地起基三指以瞿摩夷黃
土泥香泥塗飾規郭界院標廓四門衆寶界
道內院當中三十二葉七寶開敷蓮華其華
臺上清淨蓮華明王結加趺坐三十二葉一
十葉上白紅開敷蓮華一一臺上牙相間置
一天男坐一天女坐半加趺坐勿令天男天
女併在一處天女面慈軟相執寶蓮華天男
面瞋畏相把諸器仗印天男天女皆以華鬘
寶珠瓔珞天諸衣服而在嚴身次院四面開

敷蓮華其華臺上三叉戟印絹索印金剛鎖
印金剛杵印轉法輪印金剛座印青優鉢羅
華印金剛鉤印吉祥蓮華鬘印光焰藏印摩
尼珠印螺印一切諸印繞火光焰四角四天
王神面目可畏半加趺坐各執刀槩次院四
面開敷蓮華於華臺上諸器仗印及諸手印
繞火光焰四角須彌寶山山上天宮龍宮神
宮寶華果樹種種色藤華蔓葉諸藥草華山
下海水四門如意寶瓶口出蓮華枝葉蒲桃
朶葉東門恒河水神徙陀河神南門耶畝那
神毗摩大神西門阿努跋摩神摩尼跋陀羅
神北門計利枳邏神毗迦吒娜神如是八神

顏貌熙怡手皆執持刀鉤棒槩半加趺坐如
法畫已布諸天幡繒綵幡華置香水壘口插
諸華枝葉以諸飲食乳酪酥蜜果子沙糖漿
石蜜漿蒲萄漿一切香華稻穀華白芥子如
法供養燒諸名香然蘇油燈以諸寶器而為
供養如是供養能加者上持真言者作是法
時潔滌香塗著淨衣服食三白食結界護身
及護同伴請召一切諸佛菩薩真言明神供
養禮拜結加趺坐作數珠印法瑜伽觀而誦
念之其授法人淨沐身服合掌禮拜散華灌
頂每日供養誦念作法課數終日夜欲曉時
壇地震動清淨蓮華明王像上放大光明持

眞言者見斯相時身意愉朗得身心通三昧
耶像復出聲讚言善哉善哉今已成就出世
世間一切法願若有沙門婆羅門族姓男族
姓女入是壇者捨此身已當證阿鞞跋致授
菩提記不久當得轉大法輪成正覺若有
有情見此壇者則得滅害十惡五逆一切重
罪於當生處常得覩見諸佛菩薩從此生已
乃至菩提更不墜於一切惡趣

畝捺羅印品第七十六

世尊復有不空罽索心王陀羅尼眞言廣大
解脫蓮華曼拏羅印三昧耶中不空廣大明
王央俱捨印不空大可畏明王央俱捨印不

空清淨蓮華明王央俱捨印如是之印能等
成就會通一切如來種族一切壇印三昧耶
能摧一切諸惡藥叉羅刹阿脩羅王毗那夜
迦欲界魔王悉皆惶怖四散馳走能溥振動
十方大地能雨諸天一切寶華寶冠珠瓔天
諸衣服種種海雲亦能整覺十方一切刹土
三世一切諸佛菩薩摩訶薩亦能請召十方
一切刹土三世一切諸佛菩薩摩訶薩一切
天神一時來會亦能安慰十方一切刹土三
世一切菩薩摩訶薩衆亦能召攝一切明王
種族壇印真言明神一時來會亦能增進極
喜安樂不退轉地當令速詣菩提道場成等

正覺轉大法輪然大法炬吹大法螺擊大法
鼓建大法幢演大法義亦能吸集一切陀羅
尼真言之藏一切印法速疾成就所求願滿
亦能會入一切如來種族秘密曼拏羅印三
昧耶亦能會入過現未來一切毗盧遮那如
來秘密曼拏羅印三昧耶亦能輪壞過去一
切十惡五逆重罪宿障亦能越度生死大海
亦能作大法橋船舶度諸魔網亦能解脫生
老病死愁歎苦惱亦能與於布施淨戒安忍
精進靜慮般若波羅蜜多速疾圓滿亦能現
作六波羅蜜多大寶聚故亦能溥遍供養十
方一切刹土三世一切諸佛菩薩金剛一切

天神亦能示現一切如來廣大神通所加持
處亦能示現一切正幻化三昧耶力處亦能
示現一切三摩地處亦能示現一切如來種
種神通威德變現處亦能示現一切法界毗
盧遮那如來大悲出生藏處亦能摧壞五趣
一切業報怨敵蠱毒厭蠱呪咀災變悉皆除滅
如意央俱捨印

以右手背押左手背上二大姆指各屈押頭
指根下側文各屈頭指如鉤二中指二無名
指二小指各相並伸著手背腕上以印當心
印真言曰

唵

喉中擡
聲呼一

旃

上

央

矩

捨三

入

縛二

擺

四

訖

五

此印結者當結俱胝百千一切如來種族印
一切蓮華種族印一切金剛種族印一切大
摩尼種族印等各俱胝百千印此印是諸如
意寶積福蘊之門能滿真言者一切願故此
印亦是十方三世一切如來最勝秘密心法
聚門亦是一切種族秘密一切印三昧耶亦
是觀世音菩薩不空心印於諸法門恒不空
過若常結者一切悉地速皆成辦
奮怒央俱捨印

准前印改二頭指伸著手背二大拇指各入
掌中橫屈如鉤二中指各屈向掌如鉤以印
當心印真言曰

唵

呼同上

旃暮伽上

矩嚕馱

二鄧瑟吒

知禮反

唵

三

吽

此印結時顰眉努目怒聲稱吽字三五聲者
當結俱胝百千一切如來種族奮怒印蓮華
種族奮怒印金剛種族奮怒印大摩尼種族
奮怒印摧壞一切藥叉羅刹阿脩羅王毗那
夜迦焰摩王等及諸神鬼四散馳走此印於
諸印中最為上首能壞百千蘇弥盧山能涸
百千海水枯竭能伏一切諸惡天龍神鬼惡
人歡喜恭敬亦令一切壇印三昧耶悉皆成就
明王真言印
准前印屈二頭指如鉤二中指微屈二大拇

指與二無名指頭平屈相拄二小指各直伸

之以印當心印真言曰

唵呼上苾𩇦反夜邏若二鉢頭合米三入縛合

擲四許五

此印通會一切如來種族印三昧耶於一切

如來種族印蓮華種族印金剛種族印摩屈

種族印皆為上首於清淨蓮華明王曼拏羅

印亦最為首此印結者當結如是種族中俱

胝百千印等除諸業障當得一切如來為授

阿耨多羅三藐三菩提記當種百千福聚善

根一切如來憶念觀歎一切菩薩歡喜與願

一切天神而常擁護

摩尼灌頂印

右手當心仰伸屈頭指

其中指微屈與頭指相去一寸大姆指斜豎

屈無名指頭與大姆指上第一節文相當相

去一寸半許屈小指頭向掌過無名指頭一

寸許覆左手屈無名指頭與右中指頭相拄

左中指直斜伸與右大姆指頭相去二寸半

許左大姆指頭指小指各散斜伸印真言曰

唵同上一弭弭上施上旃暮上振上鞞上麼上拏上跛

比沒反囉二合縛二合唵上沙上野四訶五

此印每時倫結誦摩尼供養真言二三七遍

遍遍觀置十方三世一切微塵佛刹一切佛

會當雨諸天種種塗香末香燒香海雲諸天

種種衣服海雲諸天種種寶冠瓔珞釵璫環
釧海雲諸天種種甘露飲食一切果菰海雲
諸天種種七寶宮殿海雲諸天種種寶幢幡
蓋海雲諸天種種雜寶衆華果樹海雲供養
十方三世微塵佛刹一切諸佛菩薩摩訶薩
衆以印真言力溥於十方三世微塵佛刹一
切佛會皆雨如是種種供養海雲廣作供養
而最爲勝是故真言者常結此印誦摩尼供
養真言者速得圓滿六波羅蜜常於十方三
世微塵佛刹一切佛會雨所思惟種種如意
寶樹出生一切寶供養一切諸佛菩薩摩訶
薩衆以真言印力則得無量俱胝百千須弥

山王七寶積聚海雲等於十方三世微塵佛
刹三千大千世界須彌山王七寶積聚廣大
供養一切諸佛菩薩摩訶薩衆種種供養最
勝福聚出生功德如是種種廣大供養皆是
觀世音菩薩不可思議無量神通加持供養
印真言力三昧耶 願成就印

准前第四印改左手無名指直伸屈左頭指

與右中指頭相拄餘四指准前散伸印真言曰

唵同上旃暮伽同上薩縛怛登乙反囉二合縵陀

上野始廢無計四反三餅四

若召請結界受法灌頂燒香塗香散華摩壇
供養飲食澡浴洗手洗面漱口著脫衣服梳

結髮髻自護護他坐時行道時設火食時請
餘部真言時解界時一切處時皆結此印作
一切事速疾成就於諸法中皆得不空功德
法成又得集會不空果願一切種族印三昧
耶如是五印昔所未說今所說之一一皆能
真實示現種種神通無量功德若有見聞此
五印者亦得一切不空功德此五印復是不
空積聚一切功德法處亦是不空能破無量
煩惱處亦是不空示現十方三世一切佛刹
處亦是不空轉業之處亦是觀世音菩薩真
實大悲心處亦是一切有情得安樂處亦是
真言者得成就處亦是除滅一切殃咎處亦

唵呼同上一 荷暮伽上 播囉忒書出 陀上 你二 鉢

淨瞿摩夷土真言

唵呼同上一 畢囉底丁以 尾二引 邏惹塞乘紇反 陀隸三

鉢四 淨水真言

唵呼同上一 旃暮伽上 惹攤二 跛北沒 囉塞上同 囉

縛難三 鉢四 灑地水真言

唵呼同上一 荷暮伽上 段二合 囉鞞縛隸二 莎去 縛訶三

淨繩界真言

唵呼同上一 旃暮伽上 弭薄菴各反 訖鞞二 婆嚩娜

縛犁三 鉢四

淨彩色真言

唵呼同上一 那去 那囉鞞娜二 縛唵入縛囉三 鉢四

淨浴水真言

唵同上一 惹 擲 弭 麼 掣 二 旃 暮 伽 上 輸 書出 悌

三 鉢 四

洗手面口真言

唵同上一 勃 地 惹 隸 二 旃 暮 伽 上 勃 地 三 鉢 四

取衣著衣真言

唵同上一 旃 暮 伽 上 縛 悉 窣 隸 二 椿 並也 娜 野 三 鉢

梳髮髻真言

唵同上一 旃 暮 伽 上 麼 拏 二 鉢 三

護身真言

唵同上一 旃 暮 伽 上 喀 訖 沙 上 拏 二 縛 囉 娜 三 鉢 四

護同伴真言

唵呼同上一 薩縛埤合二縛落訖沙上 拏三 耑暮伽

上 鄧瑟吒反知禮 嚩四 訖五

入壇真言

唵一上 耑暮伽上 跛二同上 囉弭捨二 步縛泥三 訖四

禮拜真言

唵一上 耑暮伽上 縛底二 訖三

行道真言

唵一上 耑暮伽上 研羯嚩二 訖三

受法真言

唵一上 縵麼野悉悌合二 醯二 耑暮伽上 縛底三 訖四

淨華塗香燒香真言

唵一上 耑暮伽上 補澀反 罽二 跛上 囉縛囉健

地你^三惹野惹野^四莎去縛訶^五

飲食果子真言

唵^上旃暮伽^上縵囉^三去布囉^二握囉^二縵囉

縵^三惹囉縛底^四訶^五

燈油真言

唵^上旃暮伽^上覩微^二莎去縛訶^三

此諸真言各依本法誦之^三遍或誦^五遍淨

治諸物而作供養得一切法吉祥成就不為

一切魔族神鬼毗那^咬迦^侵逐壞法

明王真言

唵^上旃暮伽^上縛底^二者囉^弭者囉^三散者

囉^四莎去縛訶^五

此明王眞言行住坐卧喫食飲水發遣聖衆
折伏神鬼皆誦三遍或誦七遍得一切法吉
祥成就

囑累品第七十八

復謂執金剛秘密主菩薩摩訶薩言是不空
廣大明王央俱捨眞言不空廣大可畏明王
央俱捨眞言不空清淨蓮華明王央俱捨眞
言各自手作一切法故不以餘眞言令相共
助持是法者勿念妄語嬉戲綺語雜離間語慳
貪嫉妬瞋恚忿惱舉他過惡說導三乘三寶
牙相是非盡不應作但修是法於一切時隨
力所辦香華淨水長作供養能令不空布施

波羅蜜多速疾圓滿恒於一切受想行識守
持一切清淨禁戒能令不空淨戒波羅蜜多
速疾圓滿於一切事修行安忍能令不空安
忍波羅蜜多速疾圓滿於一切時修行精進
能令不空精進波羅蜜多速疾圓滿於一切
境修治靜慮能令不空靜慮波羅蜜多速疾
圓滿觀一切法思修正慧能令不空般若波
羅蜜多速疾圓滿於一切時虔敬三寶心行
正道言不諛諂遵奉一切陀羅尼真言之門
樂敬一切佛像菩薩像金剛神像於諸有情
發大悲心樂行六度為諸有情受持讀誦恭
敬供養此不空繡索神變真言經三昧耶句

逗分明應自書寫教他書寫暉自通解教理
文義亦復教他解釋文義莫令斷絕此大真
實不空絹索心王廣大解脫蓮華壇印三昧
耶此法常爲一切菩薩摩訶薩合掌恭敬頂
禮護持此法亦是一切如來種族通用秘密
大曼拏羅印藏三昧耶處亦是一切有情趣
大菩提出生死處亦是觀世音菩薩最極甚
深秘密法藏處

尔時觀世音菩薩摩訶薩說是經已尔時釋
迦牟尼如來及十方九十九苑伽沙俱胝那
庾多百千一切如來應正等覺讚觀世音菩
薩摩訶薩言善哉善哉大悲者能善說此不

空羅索心王陀羅尼具言深妙章句種種之
法當與有情作大光明破諸暗障為最不空
如意寶聚作大利樂開發菩提我等諸佛亦
常讚歎宣說流布今時會中九十九億俱胝
那庾多百千菩薩摩訶薩衆執金剛秘密主
菩薩摩訶薩而為上首俱從座起繞佛三匝
退坐一面合掌向佛同以偈讚觀世音菩薩
摩訶薩曰

大慈淨妙身

光溥現衆色

清淨猶蓮華

神通具嚴飾

慈善力莊嚴

相好盡圓滿

光明無與等

明踰衆月輪

梵音甚清徹

震吼大悲門

備顯諸神變

超勝迦陵頻

種種導化相

具等淨無垢

大智踰眾日

功德等虛空

放光滿十方

佛會皆供養

愛染燼無餘

法炬輪三趣

濟拔諸有情

現在未來者

為說不空法

種種真言門

復是牟尼尊

殊伽一切佛

毗盧遮那佛

印持神通力

不空寂靜法

能現甘露義

導化甘露城

令受菩提樂

常於大苦海

解脫諸有苦

皆獲無畏樂

陞住安隱道

德海常深廣

譬喻莫能知

三界起大悲

精懇常無息

不空功德海

悲利無邊際

書持之功德

佛演佛智力

設於多劫中

莫能知少分

我等如是讚

如海之滴水

我之衆菩薩 惣敬不空法 常隨安隱住

解脫眞言門 等與大悲者 不空心法中

隨方興流處 同助持宣說

尔時一切種族曼拏羅神及無量百千諸眞

言仙神大梵天帝釋天那羅延天伊首羅天

摩醯首羅天無量百千淨居天焰摩王水天

日天月天星天風天火天四天王天乃至三

十三天諸眞言女仙無量百千龍神藥叉羅

刹阿脩羅輒闍婆薩魯荼緊那羅摩呼羅伽

人非人等聞是法已歡喜踊躍一時而起合

掌頂禮繞佛三匝却任一面曲躬而立瞻仰如

來目不暫捨一時偈讚觀世音菩薩摩訶薩白

大智牟尼尊

殊伽俱胝佛

毗盧遮那佛

同以大神通

勝智之法印

加持大悲尊

大悲摩訶薩

大樂不空法

最勝陀羅尼

種種之神變

壇印三摩地

復是大悲尊

種種實法行

慈善之根力

然火不空炬

常輪三有海

陞濟諸有情

不空真寶息

不空真寶城

安處無上道

我等誓護持

大悲觀世音

大悲為甲冑

輪環諸欲海

我等誓護持

不空真寶壇

資糧菩提滿

常住滿世間

我等誓護持

不空奮怒王

折伏三界魔

由伏諸魔論

我等誓護持

不空羅索經

一切真言等

勝妙三昧門

流布滿世間

不令暫隱沒

我等誓護持

瞻部洲當來

隨在方國邑

苾芻苾芻尼

族姓諸男女

受持此經者

不隨魔業行

伏斷諸煩惱

依法如法持

我等誓護持

諸佛陀羅尼

種種神通法

解脫乘三昧

無量揔持門

皆於此經顯

由此不思議

我等誓書寫

受持為衆說

今時釋迦牟尼如來見諸菩薩人天大衆歡

喜踊躍一時偈讚觀世音菩薩摩訶薩不空

絹索神變真言經流通擁護樂自書持告言

善哉善哉汝等能守觀世音菩薩摩訶薩不

空絹索神變真言經久任世間虔誠流布遍

瞻部洲隨諸方處無令散滅隱沒於地如是
敬護即當皆得無量功德福聚之門說不可
盡若苾芻苾芻尼族姓男族姓女受持讀誦
書寫流通為他解釋所感功德皆亦如是以
斯義故汝之大眾應勤修習隨方擁護尔時
大眾得佛教告歡喜信受頂戴奉行

不空三寶索神變真言經卷第三十

潔

騰徒

反

登

音

草

徒的

愉音逾

舟

下音白

頻眉

上正作

頻

音

相

許之

逗

音

音

升

音判

瀦音節又

子廉反

